



豐對樓詩選目錄卷第十一

七言古詩

石溪行為周君作

徐御史還朝行

與史季成對酒短歌

春風

訪李秀才玄白贈以長句

武夷山人歌為李叔平作

題劉炤画鶴

醉兒吟

贈李參軍質父

贈楮二山蹟

正月十九日晴

葛公旦截湘竹為詩筒友人沈嘉則銘之以詩

齊昂歌為姚叙卿太守作

錦石山齋短歌為姚太守作

花潭竹嶼短歌為姚二仲長

醉茶歌寄復詹孔目

有序

贈表兄章博士邦直先生歌

題芙蓉鴨

題菊花雞

臘月八日辱張成未同未夜過贈以長句

余生行贈元聲秀才 周伯鱗行

張孺宗月湖夜舫醉歌行

老將行送史陳蔡三生入浙秋試

送舒子開赴浙省試 咄嗟行

零龍得雨行贈鄉耆華雪菴留為他日故事

夢中題桂花便面醒而記之

柴生仲初用一画壽我云先安仁甚珍重謂出

呂廷振手画中有五柳兩人奕右有桃七枚

左有萱草作花又緘蓋纍纍餘惟遠山幽溪

草坡竹畦耳然余亦甚愛之輒命裝池懸草

堂中而題其上 閉關

題画

德政篇奉書龍郡丞伯貞先生紀年漫草後

病述二

病述三

東方曙

豹魚篇寄陳甥

寥廓行

夜半起行

顧汝修死二年矣每欲走吊會大病而止萬不

得已巳丑春遣家僮方銘置束芻於墓下系

之以詩

追悼邦憲

高言一章與王生常孺

香雪洞天歌為語溪郭太學張虛作

齒落

西河示鄭朗

三山篇為包太學和孺作

白頭吟

後牧童謠

再題子昂畫馬歌

玄扈山人詩為龍伯貞作

五衢行為包巖叟作 沽酒行

少白山人李仁父七十生朝作詩贈之

取醉行贈吳名區 崑丘行贈包叔威

虎丘看月行

金陵行

豐對樓詩選卷第十一

甬句東沈明臣嘉則父著

從子沈九疇箕仲氏選

七言古詩

石溪行為周君作

石溪之水清可憐白石齒齒流涓涓澄然百尺直見
底大魚小魚千萬尾新安之江夫乃是子陵灘頭亦
如此君家住在梅花溪秦時故縣長水西不比當年
避秦處萬家烟火千家樹桃花時節鱖魚肥坐石臨
溪醉不歸天壤之間復何事何必區區走朝市釣絲

七尺烟水長何如黃犬嘆咸陽君不見周石溪既有
酒須買魚大醉三日夫何如

徐御史還朝行

君不見徐御史乃是豫州一男子黃河注秀嶽降靈
二室青青王屋紫一朝大對名姓揚種花兩縣成河
陽直指何如暴公子埋輪不數漢張綱休沐歸來大
梁里監門使者為知己天子頻思用舊臣東山却為
蒼生起即今西北偃塵埃邊人猶說舊風裁長安行
人避驄馬殿中執法專烏臺烏臺驄馬傳來久有子
為郎太湖口鮑家三世行步工蹀躞春雲好翹首

與史季成對酒短歌

與君相逢三五度幾度風光幾烟霧前歲芙蓉花正
嬌與君花下持蟹螯今年芙蓉老且死一尊仍對江
霞紫江霞欲雨還欲晴轉眼變幻難分明人情世事
揔如此豈必人非我皆是君不見芙蓉花朝開暮落
空怨嗟請君有錢向酒家

春風

春風浩蕩兮何情草上落花兮自明懷遠人兮不語
向空庭兮獨行

訪李秀才玄白贈以長句

馮李李生天下奇千年家住梅花溪乃是秦人長水
縣浩蕩一片青天低青蓮居士文章伯光焰萬丈無
人敵生也才華寔似之錦腸繡口芙蓉色明經應試
當制科二十未舉稱蹉跎生於青紫拾芥耳區區一
舉何足多即看明年取上第一日聲名走天地人言
功名草頭露丈夫勲業須經濟雪舟千里破長風昨
日尋君大海東馮陵意氣小嶽瀆爾汝忘年交孔融
天高地曠日月白斗酒為歡示肯臆大鵬九萬鳳千
仞仍向長風挂歸席別去相思何可道名世文章要
深奧須翻四庫傾五車新詞鑄出同天造

武夷山人歌為李叔平作

七閩之山武夷最九曲清溪浸寒翠大王峯下玉女
嬌鐵版障前仙掌異架壑舩橫截半天仙人蛻骨三
千年子騫頭顱照白日堊之今在青霞顛接筍峯頭
兩仙客沆瀣為漿糧白石世人有意從之遊便可飛
名在天籍梅花溪頭李叔平綽有仙姿無世情自用
武夷稱別號乞詩來扣沈先生先生何以為君貺六
到武夷言不誑虹橋已斷幔亭留清夜夢游神獨王

題劉炤画鶴

四明呂紀不可作會稽劉炤亦盤礴七尺水綃天地

開高堂忽見遼陽鶴鳴者如聞徹九天和之亦若凌
蒼煙裂石穿雲何處起聽之雙耳翻寂然山頭老松
鬱蕭瑟海底無端迸紅日蓬萊可即似茫茫空向人
間問參朮仙蹤筆意兩蒼蒼白頭覽之殊未央一生
三萬六千日不如日日酣清觴

醉兒吟

六十八歲始舉兒丑月丑日兼丑時皇帝萬曆當乙
酉為國添丁應不遲人試啼聲稱跨竈敢云夢叶真
熊羆書香足寄亦已矣英雄何必公卿為次年丙戌
四月悔復舉一女名阿贅提携亦自解人憐慰情勝
無良有謂茹簷抱着兩膝間呼兒喚妹開我顏照天
白髮驕青山窮達貴賤俱等閒

贈李參軍質父

參軍自謂功名薄不重簪纓重丘壑日向黃塵騎馬
歸何如濠上觀魚樂願還東海恣逍遙不逐中都隨
畫諾飄然忽挂逢萌冠兄弟相携歸考槃門前坐見
六峯長眼底自覺三山寬鬼谷仙祠拾瑤草育王古
寺尋旃壇萬金湖當御史宅棟塘水照封君鳥人往
千秋故事留自是名家有風格教子唯知重一經為
官斷不輕三尺昔也吾曾客其里盡識君家好兄弟

豐華林詩選 卷十一
轉眼流光二十年眼中之人吾老矣眼中之人吾老矣
矣世事蒼茫摠流水請君行樂無休時醉昵乾坤只
如此

贈楮二山蹟

楮生白晳河南裔更深画理兼神氣解衣盤礴師古
人往往毫端出生意昨日為我開生絹淋漓慘淡元
氣驕勢插雕梁聳山翠聲吹粉壁迴波濤遠似扶桑
通若木近若吳關交楚閣澄波綠樹遶江南白草黃
雲連朔漠何論只尺萬重山吞吐風烟眉睫間枯枝
樹樹含生氣片石稜稜作翠鬢橋邊小蹇將何去竹

裏閒人終日住黃葉林間出一僧滄江斷岸橫孤樹
我生本是丘壑姿請君一掃雙白眉天姥峯前東海
畔三間茅屋一清池

正月十九日晴

春王正月日十九丁亥之年稱歲首元日到來今始
晴雨雪風雷兼電母帝城百里杳笙歌郊野千村斷
鷄狗日光照耀四山白積雪崢嶸十尺厚遠見茅屋
炊烟青十家並可三家有昨逢八九十歲翁欲語還
吞難出口家家門前急打租告示官墻挂來久虎吏
我冠日坐堂大怒發嗔獅子吼舊年租債未曾清更

捉新逋加鎖紐田間麥苗知有無
雪消只恐根荻朽
禎祥妖孽揔莫論救饑且挈妻孥走

葛公旦截湘竹為詩筒友人沈嘉則銘之以詩
怨深楚割青天秋豹文點滴凝不流
葛生截玉名詩
郵雕肝鏤心多古愁
徃役祗向騷壇投

齊鼎歌為姚叙卿太守作

綠痕翠葆真竒異千古相傳是齊器
栢寢初逢李少君
寶鼎曾歌漢武帝腰花宛轉蟠六螭
銀光冷射青琉璃埋坑定自遺
前代出土何年忽到伊
品分三足神鼇柱雙耳如門
矗天樹陰鏤兩字欵齊侯分明手

自桓公鑄君家寶秘古江東何似天球與大弓呵護
有神當世世辨香無語祝天公

錦石山齋短歌為姚太守作

憑誰割取峨嵋骨亂插山齋成突兀
綠紋寒濯錦川波箭癢細積蒼鱗窟
主人坐對情悠悠彷彿巴江春
水流萬里有人曾縮地眼前一日見嘉州

花潭竹嶼短歌為姚二仲長

花潭竹嶼姚園有盡日啼鶯在高柳
水亭斜對讀書臺山雲正吐彈琴牖
詩成白日自長吟行人隔竹聞
茶臼他年我欲再相過莫使漁郎迷渡口

醉茶歌寄復詹孔目 有序

新安詹東圖官南翰林孔目予過之乞予作
醉茶歌予問故謂予曰某性嗜茶一啜能百
五十椀如人之於酒直醉耳予笑而諾焉暇
日戲作此首復之不能無嘲諢之意蓋其語
頗不經云

世人醉酒君醉茶謂君乃是盧全家君言盧仝小孺
子一啜百椀尤將加先生高譚吾捧腹君腸如江口
如谷定將千頃築汪陂三斗解醒春水綠君應消渴
病相如仙掌金莖露不虛若也生逢漢武帝傾盤賜

飲亦無餘茂陵著書今幾年拜官太史金陵前我
只索牀頭酒文君莫便將茶煎醉茶太史君自適何
客過從遭水厄誤取石頭城下來休言七椀吃不得
嘗聞西楚賣茶商範磁作羽沃沸湯寄言今莫範陸
羽只鑄新安詹太史

贈表兄章博士邦直先生歌

我之祖母君祖姑君年長我十歲無我年七十今歲
是明年八十君當娛庭下綵衣齊鳳舞鏡中白髮雙
鸞俱人間三樂古來少世上五福誰能如西江化雨
揚關西東海木鐸胡蘇湖令名不忝古人輩盛德皆

稱君子儒人生要有三不朽萬鍾千駟何為乎君不見晉楚之貴晉楚奪朝為卿相暮匹夫皇曾即中祖
 參政揔是先朝賢大夫嗟我後生不得見見君何似
 雙明珠臣也今日題詩上公壽祖母地下應歡呼請
 君置酒向花下弟勸兄酬醉莫扶海棠嫣然嬌欲語
 羞殺八尺紅珊瑚

題芙蓉鴨

芙蓉花開江樹稀霜清露白催寒衣郎君遠戍不得
 歸空睹沙頭家鴨肥鴨肥作羨餉老姑姑饑有妾時
 能舖丈夫守邊衣到無努力為君西擊胡

題菊花雞

秋田稻熟鷄正肥東籬花著黃金衣舉頭忽見白鴈
 飛書傳遊子將西歸烹雞作黍飯夫婿從此團團休
 再去縱饒金玉高於山莫聽鷄鳴偷出關

臘月八日辱張成未同未夜過贈以長句

荒村歲晚木葉脫老檜古松青翠翠霜嚴草枯溪欲
 冰野屋寒鳥噪空突有客有客夜扣門登堂呼取濁
 酒尊燭花銷燼更漏永不慊貧家老瓦盆手出文章
 開幾軸屈騷馬賦傾珠玉就中贈我三山篇暖律吹
 寒破幽谷制舉真能讀父書五言破的長城如大風

泱泱馮東海對策它年董仲舒即今寰宇多儒雅牛
耳主盟誰作者霸業偏師莽自尊等閒那得居其下
師法當知有古人何必區區齊與秦狂生持論豈隨
激鞭撻華夷不動塵請君且暫收旗鼓意氣安閒截
如堵大將提師百萬精肅然天地稱神武

余生行贈元聲秀才

余生騏驥千里姿况復名父傳當時伯氏文章推第
一儼然今作三秦師承家寶此連城價眼底風雲堪
叱詫郗桂何難折一枝上林準許栖全借傑然東海
氣若虹日出扶桑思挂弓腹中經史三冬碩口吐霓

光萬丈紅作人湏問千秋事不朽之圖三者是丈夫
合有經濟才那得徒然守文字君不見在獸為麒麟
在羽為鳳皇神龍變化非尋常霹靂破天膏八荒

周伯鱗行

周叔子字伯鱗少年高志卑秋旻人中之龍鳥中鳳
太山絕頂黃河津讀書窮巷無人識五車萬卷填胸
臆落筆寒驅百丈濤穿楊早破孤鴻的制科求才舍
子誰子其一薦登崔嵬青天忽破走裂缺劃然九地
轟春雷君不見丈夫墮地神駒走七尺當為天地有
草露功名不足多浮雲富貴何能久又不見古人不

死今人亡願與不死者同行星辰日月相高下蝴蝶
蜻蜓空頡頏

張孺宗月湖夜舫醉歌行

今夕何夕兮月之望此地何地兮月湖上張生置酒
客沈郎月有清光水無浪平頭奴子能唱歌聽其所
止中流放南有飛蓋園北有碧汀菴湖上樹如薺水
底天如藍隨風舟蕩樣適意酒盡酣白苧不停聲淥
水不停拍行樂湏及時人生誰滿百借問泉下人有
酒可飲得張尚書范侍郎昔曾舉酒酌知章湖光月
色宛然在不肯留連堊北邙與君共此湖上月大醉

不知湖月涼湖月年年美如此從今能醉幾千場停
杯戲語張公子有酒如澠君莫止耳畔如聞河伯言
明月與人俱不死月裡秋來落桂花湖上春來生白
芷桂花白芷無窮已請君行樂從茲始今宵爾我願
不違大鵬背負青天飛湖寒月落且歸去露氣恐濕
青荷衣

老將行送史陳蔡三生入浙秋試

三生久矣名場屋譬之將軍稱老宿小戰七十餘大
戰三十六身未封侯多箭瘢數竒李廣無推轂今年
吳越開戰場錢唐八月潮聲長卷甲褰旗急赴敵誓

拓兩國新邊疆王剪破荆計非左人非六十萬不可
函谷雖然未出兵目中已是無全虜廉頗健飯氣若
虹伏波上馬鏖鏖翁聚米山川在指畫充國坐困西
羌戎高秋九月桂花綠看汝三君成大功

送舒子開赴浙省試

舒生讀書破萬卷落筆能令古人掩未鑿龍門八節
灘較汝奇詞未為險論比亡秦賈傳愁策奏天人董
生慚使者徵才擢新後朝廷求士還名檢八月西湖
波瀲灩秋風涼雨饒菱芡勸君早駕渡曹娥結束輕
裝持琬琰虎林東南大都會識寶有人眸不晦雷崩
白晝響闐闐電掣青天光閃閃一日飛聲徹九霄四
海賀君名不忝是時野老方醉眠竹下平鋪青玉簟

咄嗟行

咄嗟爾也何所優等閒七十一春秋世間萬事摠不
了丈夫七尺徒自羞三才無知乃儒耻百畝不易為
已憂無才無德故無位有為有守須有謀堂堂赤日
去不已蕭蕭白髮空滿頭伯玉六十而自化武公九
十猶自修爾也今將作何事戒之在得毋苟求拭巾
待斃任造化愧怍俛仰搜悔尤學仙學禪無不可祇
為從前師孔丘

雲龍得兩行贈鄉耆華雪菴留為他日故事

公歲今年八十七行步矯然堪逐日面有童顏雖二
毛白者如霜黑如漆野叟雲龍奏姓名百拜乞靈公
第一龍宮好文享必虔江濱長跼公兀然須臾神龍
降真體油雲沛雨隨公還公私之田具沾足阡陌青
青渠水綠未必天公是偶然鄉人共食公之福臣也
題詩兼結字感應自然人莫肆大明萬曆十六年七
月八日紀奇事

夢中題桂花便面醒而記之

七月十二日
書示聞九

天上桂花丹白黃君家堂前仍發香願君携之復上

去天與月色俱蒼蒼捉筆題詩不成字歌斜突兀三
兩行他年認取醉仙筆流落人間堪寶藏

柴生仲初用一畫壽我云先安仁甚珍重謂出

呂廷振手畫中有五柳兩人奕右有桃七枚

左有萱草作花又緘葢累累餘惟遠山幽溪

草坡竹畦耳然余亦甚愛之輒命裝池懸草

堂中而題其上

風前五柳高十丈昔時四皓猶無恙兩人對奕孰輸
羸秦漢魏晉空楸枰盤中緋桃是誰摘累累猶帶頰
霞色石邊更有忘憂花四時不謝緘丹葩相對不知

豐堯符詩選 卷十一
何處所不是神人即仙侶此正深山最深處我願移
家與同住恍惚如聞二老言得休即罷便為安忘機
乃是神仙樂何必深山煉靈藥

閉關

日居月諸人世間眼前萬物俱等閒身心無事飲羹
酒讀盡奇書看好山平生快意不過此從此白頭深
閉關

題画

五湖風景知何處月裏烟光含遠樹江漢浮查渺難
駐深深望入荷花去草色連天似有無閣中帝子夢

糝糊寒風吹上廣寒都

德政篇奉書龍郡丞伯貞先生紀年漫草後

甬東郡守誰者貳武陵龍公伯貞字文章海內稱世
家為政風流有奇事皇帝御寓十六年堯湯水旱非
偶然大侵萬曆戊子歲黔首半從溝壑填誰其撫者
張郡公猶已饑溺恫在躬同心力拯出奇策龍君德
智才力豐郵符手握活枯槁單車日走荒山道勸濟
有法逋逃歸翳業遍饘起餓殍六閏七月水澤無土
毛欲死田禾枯崇門雩龍法繁露三時三雨如應呼
四明山海辟龍居天井著靈人共趨崎嶇跣蹠不憚

遠告度絕頂投詩書神龍幻形作蛇赴躍起波心卷
烟霧昱昱紅光滿地搖潛飛出殿青天怒澍瀉連朝
四澤通蒼生鼓腹歌神功精誠呼吸乃至理默禱夜
半披丹衷吁嗟龍丞古良吏勸糶省方兼粥議三章
之法炳丹青有國者從無不治野老躬沾仁者澤擊
壤而謳忘帝力海波不揚五穀賤日誦三章後來式

病述二

老夫合有沉痾疾病裏冒寒十四日勺水粒米不下
咽皮消肉盡骨硯肆瘦如枯坐百病僧老烏啄瘡倚
墻悖旦日忽見南窓紅便思起坐春風中臀肉削去

尻有胝羨殺曝日西垣翁

病述三

背膿潰滿欲兩斗陰重淋瀝病洩久萬針氣鼓疼若
裂水腫膿浮勢湏走汪生有藥復有刀毒盡穢去除
腥臊頓使廿年陰重泄昨者如瓜今似核一旦俄忘
痛滿牀始驚人世醫工良良工伎絕不可數且與西
窓聽鸚武

東方曙

四邊喔喔鷄亂啼東方欲曙烏鵲飛農者出畊商者
馳何以慰我心惆饑

豹魚篇寄陳甥

豐沛故人功獨盛拜相封侯多貴幸天地既生龍準
公便合雲龍風虎應白水真人能造命南陽貴客皆
趨令雖說功名自一時攀鱗附翼須前定勸君且學
南山豹隱霧深深休夜嘯勸君且學北溟魚潛鱗戢
鬣淵中居一日春雷奮九地豹澤魚飛在天際簣中
死人終相秦跨下少年能負氣

寥廓行

七十老翁何所求稿項牖下死即休大病百日苦不
死人皆謂我再生子上帝不仁芻狗萬物我亦何為

獨見憫恤大難不死後或可述造化小兒何播弄青
山飛走海不動殤子常存至人天鐵樹生花琪樹稿
洪濤大浪天地春浮萍斷梗隨其中我本太倉一粒
米死固不憂生則喜昨日呻吟與鬼隣今朝四大還
吾身白雲滿吐滄江樹好山画出青天際心癢便欲
游其間瘦骨出門良獨難我思何以消白日茗椀鑪
香坐虛室朗誦蓋珠三萬言暗轉蓮花經七帙花開
莫問酒有無酒熟莫管花枝枯有花有酒恣我樂生
死逍遙付寥廓

夜半起行

老夫一卧百日久牢落空山對虛牖夜半起索梅花
看一鈎寒蟾挂春柳柳已昨日搖東風潏潏惟思甕
頭酒

顧汝修死二年矣每欲走吊會大病而止萬不
得已已丑春遣家僮方銘置東芻於墓下系
之以詩

悲君父子不得哭雙淚為君常漉漉定知宿草已成
墳未識孤孫能引族頭上青天乃至公降割於君何
太酷上年父死子繼之三月之間何反覆嗚呼仁者
不蒙福我笑青天空碌碌千里令人挂紙錢草心空

向東風綠

追悼邦憲

書生任俠天下無獨立海上朱生孤朱生少年名即
起譬之出海新珊瑚讀書平生破萬卷落筆文章天
地轉調高白雪付朱絃草積青箱入文苑家貧愛客
常典衣四座不空尊不虛我常客之二十載醉中呼
我真相如金釵夜挂沈郎髮玉環晝解朱生裾風流
絕代今何去白日令人雙淚俱

高言一章與王生常孺

王生王生何處士古之郵人今奉水家世從來重柏

臺門風久自推槐里即今汝復擅風流殷商瑚璉周
天球三冬須用五車飽四庫目閱通九丘去年作賦
上邑宰咭崛嶽呀句難解竒字森羅武庫張波瀾滴
蕩搖文海王生王生吾語汝文章今古誰堪許日月
行天揭六經百家諸子紛毛羽秦漢羽翼風楚騷魏
晉已來推二曹唐家詩律杜與李十二子實稱高標
國朝疇也稱獨步濟上儼然開別路本有通行六尺
車大道不遵荆棘驚丈夫要自主鍾鑪鎔鑄萬有聲
臭無始驚天上劈歷手平地迸出新珊瑚

香雪洞天歌為語溪郭太學張虛作

老梅杈枒小梅直凍月開花盈四壁香風欵欵襲人
衣雪色皚皚照天白梅花主人知是誰汾陽公子人
中魁嗜香愛色皎如玉眼底不肯容纖埃結茅堊土
讀素書洞天儼若仙人居夜深不用爇龍腦晝靜何
殊揭綺䟽坐移庾嶺在平地直是江南恣遊戲喜將
貼額有佳人恨欲寄情無驛使汾陽公子我所知潔
白信是梅花姿他年調鼎供實用今日且賦何郎詩

齒落

犬馬之齒七十二一齒墮落未為異譬之百堵一堵
頽只恐排行次第來即使排行次第來飲酒食粥何

雙聖本言選 卷二十一 三百三十八
妨哉但愁廢我歌與嘯味月吟風苦無調范睢曾摺
魏齊戈謝子亦落隣姬梭張蒼百歲食人乳到此且
復新料理

西河示鄭朗

西河卜氏東門吳南箕北斗胡為乎愛河不用金刀
割火煎苦海何時枯酸風冷射雙眸子黑烟蓋殺青
山死鬼嘯人啼何日止

三山篇為包太學和孺作

蓬瀛方丈三神山乃在大海東南間秦皇漢武尋不
獲世人遂道終難攀吾聞六合內外何不有耳目不

睹焉云無碧海扶桑生紫椹不死靈藥苗如菰碧玉
堂瓊華室紫翠丹房雲燭日朱霞九光照黑海洪濤
百丈春閣溘凌虛子飛仙官上下九天何所難計頃
瓊田種芝禾各家門第開瑤壇玉樓十二金臺五城
九老太上黃芝白英群龍下聚若蠓蜓鳳皇只作凡
禽鳴反魂香樹如薺養神芝草盈砌昆吾之刀割玉
如割泥夜光之杯常滿醴如注西王母坐閨風巔東
王父御靈官署銅頭鐵額獸司門丹阜青丘花匝地
御風而行挾兩曜想像之間神即到絳霞為帳玉為
牀黃金作堂糴作灶君不見三神山不在天不在地

只在微茫有無際居以至神乘浩氣可謁紫宸朝玉
帝五百童男五百女徐君房竟歸何許求作真人一
奧墟白日飛仙自來去安期生羨門子定與日月相
生死王喬赤松亦人耳七夕山頭謝鄉里

白頭吟

白頭牖下空自惜悔却虛將少年擲讀書聊以記姓
名不學英雄萬人敵沉浮間里徒賤貧一事無成嗟
一身游說嘗遺妻嫂笑骨肉不數兄弟親柰何咄嗟
間世事如反掌一言取相佩六印不意自致青雲上
丈夫窮通固有時富貴不來焉得竒青山迢迢白雲

長閉戶且讀書與詩君不見韓安國田甲辱誰謂死
灰終不然內史徒中起何速又不見故將軍灞陵上
醉尉那堪呵李廣

後牧童謠

朝牧牛暮牧牛牛飽牧童嬉且謳手折蘆管當橫笛
吹去吹來度阡陌騎歸牛背穩如鞍也索厨頭羹飯
喫一日忽遭主翁罵牧童口與心相話一牛一年生
一犢雙犢何能生一腹主翁牽牛向牛哭恨不一年
生十犢也知十犢非一牛一牛一犢何曾足牧淚無
言對牧童其柰催租官令酷

再題子昂畫馬詩

君不見趙王孫画人画馬骨力存毫端微茫不可測
神鬼歛吸愁相吞矯矯疑龍踏天截轉首忽撥春雲
叱躊躇似欲射飛鳥弦不及控非空捫想當一隼落
西北又忽一鷗東南奔青天濶遠風勢緊萬里只作
秋毫論

玄扈山人詩為龍伯貞作

玄扈山人龍伯高武陵仙子稱人豪千秋問道訪石
室似逢黃帝相週遭軒轅昔與廣成子曾此山中授
玄旨低頭百拜趨下風昇湖之業從茲始崆峒玄扈

靈氣鍾王屋太室居當中中有素書三百卷誰其得
者方瞳翁玉髓如泥軟堪食叔夜再來堅似石內觀
之法玄又玄玄竅丹砂非偶得至道精極惟杳冥昏
昏默默無視聽抱冲以一不以二蓋珠粲粲垂黃庭
君不見見谷成可師浮丘可友乃公來作三山游葛洪
何必尋峒嶠為君再賦升天行絳霄玉露浮金莖五
城十二樓空遠步虛吹落天風聲

五衢行為包巖叟作

東南地盡海最遠海中之山千萬選劃割華夷是五
衢卉衣萬國朝冠冕五衢突兀在青天回覽申州九

點烟西北崑崙差可匹諸孫五嶽視如拳扶桑日出
天為路翠碣三韓此門戶神山相去未應遙夷亶二
州仍左顧蒼茫有無寥廓中九疊金堂白玉宮六合
古今真一瞬銀河直上信剛風瑤林瓊谷誰家住留
與群仙作行寓王母初停七鳳車軒轅手摘三珠樹
安期先生來赴期偷桃小兒先得知須臾奏罷鈞天
樂盤剩金瓜及棗梨四明洞天推第九中有包生字
巖叟頤托嘉名印五衢廣成為師倓佺友呼龍畊烟
種白榆迥看天地一遽廬漢武求仙棄妻子白雲鄉
可作儲胥五衢正是逍遙處八寶樓臺錯烟霧我欲
携君同去來世人那得知其故

沽酒行

江上放船如放馬波聲不歇帆不下才發金陵又晉
陵勢傾千里龍驤者世間快事能幾何對君沽酒君
唱歌君不見昨日行人說往事惡風三月坐黃河

少白山人李仁父七十生朝作詩贈之

東湖之東東海西太白小白雙峰齊盤亘四明三百
里首接天台沃洲尾堆青削碧滄溟搖舞鳳飛龍不
得驕下有幽人秉微尚清高直駕王侯上釣水樵山
天地寬忘却父兄曾大官檠戟遙臨驄馬路綠槐紫

棟門前樹郎君推擇孝廉科名題進士高差我萬石
君家稱孝謹隴西亦復聲相近阿翁七十如少年千
峯萬壑雙鬢前龐公久負知人鑑李白名高因賀監
伏龍鳳雛知是誰我亦一飲三百杯題詩壽君把君
袂與君抗手青天際願將海水作罇罌殷殷早聽南
山雷

取醉行贈吳名區

吳生乃是延陵後博雅風流千載又泱泱能聞大國
風結交唯與通人厚年才二十擅詞場陸機文賦王
靈光雲龍風虎待明詔看君指日登岩廊趨遶甬上
如東郡大觀萬里東南盡指點吾儕日與同寫心似
欲傾蔗藺昨日開罇古栢前五株離立向青天風雲
颯爾生杯上霹靂俄驚落耳邊飲君酒贈君歌扶桑
若木光陰多烏飛兔走亦易擲着鞭努力休蹉跎聞
君家住扶椒山闔溪流水聲潺潺放帆一過非難事
取醉吾將北斗攀

崑丘行贈包叔威

崑閬蓬壺元異境崑丘之壤青天並日月如丸走半
腰風雲不上崔嵬頂天地相縣八萬餘里扶搖羊角
搏而無已其間微茫何所無海色如烟鋪翠水既非

天上亦非人間惟有神仙相往還飯青精兮羨紫荇
霞綃為衣兮明星為環黃龍作狗朱鳳作雞玉麟可
御雕虎可騎美女舞于瓊樹金戶開於碧岷宇宙乾
坤等眉睫千秋萬古真須臾山若天台者窈窕不能
窮其奧花凝絳雪無時消吾聞包丘子凌風禦雲遊
其間何不挾我同逍遙金雞一聲破天曉此身乃在
扶桑標人生合飲洪梁之美酒李白何須夢天姥黃
帝浮丘本上仙安期羨門終下走

虎丘看月行

中秋看月何處好除却十洲與三島東南勝事說蘇

州最好從來是虎丘虎丘十里遙連郭錯落青山盡
樓閣千年霸氣劍池寒一片清光水晶薄通國如狂
歌舞來木蘭載酒笙鏞作男女雜坐生夜光香風烏
履吹交錯謔吹香風真可憐三三五五各成筵千人
坐滿千人坐千頃雲浮千頃烟月華未冷羅衣濕白
露如珠白蓮泣白苧歌終子夜興烏棲曲緩烏啼急
姣童似玉紫英悲艷女如花韓重思千秋死魄還生
氣一夜香魂枯骨知香魂死魄知何處明月在天人
在地天上人間一種情桂花合結相思樹嫦娥也是
獨眠人牛女年年一問津誰家少婦今宵裏搗盡寒

豐
堯
聖
詩
選
卷
三
一
三
砧秋復春

金陵行

東南誰割鴻濛色
大江西來天地坼
虎踞龍盤建業開
王氣秦人銷不得
紛紛六代英雄起
空流一片秦淮水
感慨雖多不復陳
與君竟頌高皇帝
一劍縱橫十七年
文身窮髮盡朝天
萬里江淮天作塹
四週溟渤海為邊
復道重城壯都會
面負陰陽聖人制
九市三條十二衢
將相侯王紛邸第
壯麗蕭何作未央
經營洛邑象周王
羽衛百千張
鳳翼周廬十萬列
龍驤鳳翼龍驤照
天地象闕靈臺浮
御氣千門萬戶鬱

龍葱上苑長林紆紫翠
詩鐘鼎沸貴侯家
燈火連宵巷陌斜
陸海舟車通內外
風雲冠蓋開豪華
王孫遊騎皆穠李
公子香車碾流水
別有青樓大道邊
更飄香袖春風裏
俠路妖童花不如
少女倡家月相似
月下相逢誰不憐
花前一語魂先死
何人能度可憐宵
何人肯惜黃金銷
醉騎寶馬踏花去
淶水垂楊紅板橋

豐對樓詩選卷第十一

豐對樓詩選目錄卷第十二

七言古詩

李筠歌

看潮行

月下觀楊珍姬舞翠盤歌

紫雲歌戲贈劉生

雙艷篇同李伯遠席間賦

示張氏詩兒

烏衣曲壽燕如趙媪

閏三月十七夜即事

張果老

荅盧三子蓋見投長句

贈凌有孚長句留別

露筋廟曲

青鳶出浦歌贈姚成之

海風行有序

寄酬方汝州

凌風榭

五老峯

釣月臺

食翠亭

可飲臺

豐對樓詩選卷第十二

甬句東沈明臣嘉則父著

從子沈九疇箕仲氏選

七言古詩

李筠謫

越山青青苧羅碧西施去後無顏色芙蓉秀積三千
 春復產妖嬈姓李人蛾眉不用分青黛藹若春雲誰
 不愛沉魚落雁本空傳妬月羞花亦常態含情獨眄
 十二峯若箇襄王幽夢濃脉脉遊絲暗中惹芳勞塵
 恨眼前慵逢歡笑語留芳意歌舞從人暫時戲西羗

豐華詩選 卷十二
女兒慙北鈿公孫大娘羞劍器且聽當筵金縷衣聲
繞梁塵三日飛舞場爭賜纏頭錦公子王孫醉懶歸
世間誰不戀陽春香粉叢中悞此身欲將芍藥投棄
下頤鮮明璫向水濱水濱棄下愁無語楚水吳天怨
春雨夜深哀瑟鼓湘靈秋冷銀河啼織女湘靈織女
恨難平渡頭空唱采蓮聲外黃富女思張耳臨邛文
君奔長卿一盤五色同心結一匹死央萬金錦安得
枕前不夜珠照妾年年與郎寢妙曲難將絃上傳寸
心難畫寫花箋何時對月無嗟嘆何處逢人不可憐

看潮行

錢唐酒家十萬戶多半臨江貯歌舞翠箔珠簾十二
闌鳳管鸞笙雜鼉鼓年年八月看潮時岸上遊塵沙
上櫓馬蹄蹴踏芝蓋翻人烟塞道車行苦車行苦遲
馬苦疾王孫共載吳姬出吳姬秋水浸春雲滿路風
吹香氣苾三三五五連袂行綽約輕盈趣非一拾翠
還輸年少人州間之會歡情密懽情年少兩堪誇共
是芙蓉江上花花開花落秋風裡惹箇人猶不到家
明朝只恐郎心變潮有來時人不見潮來不用密相
期郎去如風斷箏線線斷箏牽尚有絲妾心長繫看
潮時郎行切莫乘船去潮去潮來怕接遲

月下觀楊瓊姬舞翠盤歌

華清宮中翠盤舞世上傳來已千古玉環妖態艷如花
花縱是梨園不能譜遙想霓裳出月宮盤旋掌上墜
驚鴻連昌凝碧水壺裏影動山河百二重蓮花北銜
今已不况復平陽與垂手我來月下得親觀使我心
魂驚皓首教坊少婦楊瓊姬今日平康推白眉異代
何由傳此舞雨淋鈴後斷腸時一時為汝誇竒絕手
製新詞調清越陽阿激楚兼柘枝瀉月流風見迴雪
輕似遊絲駐暮烟疾如閃電流青天空中忽聞白鶴
舉又疑紫鳳來翩躚華燈九枝影零亂翠袖一雙飛

不斷欲窺起伏無端倪揮霍低昂天地判年年得在
酒中看眼落氍毹月影寒舞罷自矜香汗重碧桃花
並玉欄干

紫雲歌戲贈劉生

木蘭暮出吳趨里一片紫雲江上起色映金昌柳欲
風光偷碧海春將雨雨從神女夢中回風自湘靈瑟
上來館娃宮畔花初爛銷夏灣頭月正開月開花爛
相思處對面含情連理樹丁香結綠紐雙雙豈蕊蕊
紅心細細荳蔻丁香空斷腸巫山巫峽近瀟湘臨風
解佩誰交甫滿車擲果孰潘郎潘郎不在貌交甫豈

關情自有因緣地心投定目成目成揔是銷魂債逐
隊死央滿溪瀨一從羅被散春香不覺纖腰緩衣帶
為爾當筵謔紫雲詎同綠綺挑文君沈休文老腰仍
瘦劉采春嬌曲未聞烏啼闔闔門將曙車馬蕭蕭都
散去風流空憶少年場消渴馬卿吾自署紫雲紫雲
柰若何何不酬我以白苧之曲和我以采菱之歌吳
王死後西施去萬里春江空綠波

雙艷篇同李伯遠席間賦

荆雲巫雨來何處明月夜光懸玉樹朝住秦樓暮楚
臺燕子初飛鴻未去豈是名園並蒂花客邀劉阮到

仙家洞房携手雙雙入翠幕羞肩故故斜羞肩携手
本英皇又道喬家姊妹行飛飛共入昭陽殿嫋嫋同
遊響屨廊萼綠華辭王母側裴航忽遇藍橋色擎來
掌上兩明珠選出人間雙白璧白璧明珠不足論腸
斷蕭郎復斷魂欲申別後無窮怨請看鮫綃雙淚痕
淚痕如雨點湘波交甫其如解珮何相思有曲難傳
恨天上雙星只隔河臨春結綺青溪畔玉樹後連歌
忽斷試問蕭妃與麗華春蘭秋菊妍誰判

示張氏詩兒

游絲不斷風吹去深深裊入相思樹模糊醉眼覓春

豐堂本言選 卷一
魂落在吳兒唱歌處玉樹新翻白苧詞驕鶯弄雪晴
絲絲鮫綃裁衣火浣被一時卷付吳譚兒

烏衣曲壽燕如趙媪

烏衣巷口春風滿烏衣使者紅襟短翩翩夢繞漢宮
花寵冠秦樓傾楚館秦樓楚館不勝嬌鳳笛龍笙間
玉蕭輕盈欲賽昭陽掌豐艷偏能奪細腰細腰舞掌
當年事死央到寫相思字金錢不眇少年兒玉環解
贈風流士也曾排難脫亡迹也曾破產結賢豪空將
女俠傳紅線何必文姬號薛濤想遺交甫湘臯珮杜
蘭香遣張郎對我亦平生解画眉來生應有前緣在

更憐不是舊光陰更憐不減少時心春風頤借桃花
扇明月猶張綠綺琴桃花歲歲春藏處明月宵宵天
不曙枕肱頗似阮生狂竊資豈學相如去杏花村南
酒可沽琉璃為鍾琥珀壺手捧瓊漿壽王母烏飛曲
和青溪姑

閏三月十七夜即事

高檣夜宿荒江口狂飈忽起濤聲吼振撼崩轟不暫
閒魂驚魄駭新中酒天昏地黑雨轉盛濕漏無迹身
束旣落地飛花旋不停攪風亂柳絲難定人生遭遇
絕可憐昨日之夜何相懸波寫筆紋舒素練月磨寶

豐華詩選 卷三
鏡流青天

張果老

天蒼蒼日杲杲大地茫茫幾昏曉東華老仙南極星
照見齊州九峯小方朔小兒三偷桃滄海為田塵再
掃君不見張果老

答盧三子蓋見投長句

海上盧生本仙者千年後世能文章筆端颯颯動風
雨詩書滿腹披琳琅子幹才名著東漢照隣四傑稱
初唐君家兄弟亦竒俊子明詩律推升堂昨者哲兄
字子蓋投我長句多慨慷驚人之語若天上跌宕雄

渾含鋒鋌譬之高山聳千疊亦復大水開汪洋朱弦
清廟彈寶瑟白雪郢調飛春霜謂我詞場執牛耳何
人說霸誰稱王句踐橫行江淮上中原草奔徒猖狂
君不見馬中有驪驩鳥中有鳳皇世人好龍皆畫者
及見真龍魂魄亡嗚呼及見真龍魂魄亡與君執手
歌虞黃東臨大海風泱泱

贈凌有孚長句留別

與君交誼非一日十年別來情轉密花下開尊蕪異
香竹邊倚棹聽瑤瑟旦暮同遊不暫離白首應知似
膠漆君家有園開竹素適適堂前種嘉樹更結高樓

接太行謂余乃是思親處日日思親看白雲白雲不
 盡孤兒心昔日曾題白雲句淚濕白雲飛不去乃知
 孝子實高賢與我交情宜百年百年有盡情無已江
 上青山江外雨

露筋廟曲

露筋廟前停大觴酌以椒漿薦芳杜春風填填喧社
 鼓女巫紛紛歌屢舞曹娥江邊十萬戶賽神亦復傳
 千古水調重翻苦不苦柰柘綠濃啼雇雇雇農柰候
鳥不淫者
 也青溪小姑釵失股湘靈寶瑟空中鼓無柰朝雲生

別浦

青鳶出浦歌贈姚成之

君不見姚成之不學元之相天寶江湖忽老青雲姿
 經綸束手未展放漫世且復懽相知四明狂客沈嘉
 則結髮便與同襟期過逢命作河朔飲浩蕩要使天
 風吹高撐青雀出海浦長谷之口三江湄坐客朱張
 孫與趙徵歌選妓垂楊堤寥廓逍遙恣懽譎方圓水
 陸羅珍竒綠水新調樂府曲青山翻學麗人眉死央
 遠沉青天動花柳遙看白日移菰蒲中自有佳士麒
 麟閣上知為誰酒兵竒藏六花陣二妓似學孫武師
 玉山吾已頽金杯不去手衆賓鯨飲不肯辭日暮歸

撓月生柳兩岸樓臺千萬家看妓聽歌盡回首須臾
客散我亦歸雨濯天門雷大吼

海風行有序

辛卯七月十七日東北風大作雨如灑海水
溢直入四明郡城鹹鹵所浸禾苗盡槁死無
一存者

秋風忽作東北吹海立百丈如奔雷郡田西南千萬
頃一夕鹹鹵俱成灰昨日青苗今已白秋來種種無
顏色又聞廬舍夜中徙家十八口無踪跡要知淪沒
凡幾千縱不死者何能全田蕪井廢土毛盡不若夢
裡歸黃泉嗚呼蒼旻何大酷斷梗飄蓬萬家哭郡公
縣母知不知忍令天子憂瘡痍

寄酬方汝州

汝州大守方衆甫甲榜魁名號龍虎即今政理擅龔
黃自昔文章冠鄒魯一別江湖已十年夢魂常到九
峯前素書昨日傳雙鯉縐縠春風吹綠烟故人萬里
重相憶飛鴻遠帶崆峒色懷袖三年跡不磨八行字
字藏胸臆文似先秦薄兩京詩如大曆調清平已知
宮媛呼才子何必文園慕長卿使君遙在三花館日
夕令人衣帶緩難因片月報瓊瑤但托孤雲寄情款

軒轅曾拜廣成師，剩有仙風滿貝茨。借問政成無事日，幾迴飛鳥過黃祠。我欲尋君訪王屋，緱嶺聞笙騎白鹿。九仙為製布雙滕，五嶽先裁巾一幅。

凌風榭

白石作臺高幾丈，置身忽在青天上。正逢落日與人平，天風颼颼鬣邊響。即窺東海似浮漚，睥睨乾坤在吾掌。天高地下萬物殊，扶背流雲颯飄爽。丈夫頭顱容易白，使我咄嗟成俯仰。既無六印取封侯，自可扁舟五湖長。人間事事細如毛，今古茫茫亦空泱。君不見舜巍巍堯蕩蕩，馬能起之使我游。白日青天登嶺嶮，又不可見項與劉。操與莽戰爭謀奪，似醢雞日夜所游。唯甕盎我有鹿皮，與君坐我有巴笳。與君杖登君之臺，飲君酒浩歌一曲忘天壤。山川我能游，日月我能賞。明日水雲中，與君蕩雙槳。

五老峯

誰將五老峯驅來，在平地上有九疊之屏風。帶雪吹來落天際，即非五丁手擘自鴻荒。世豈是女媧帝煉石，補天處借我屏風三日眠。覺來始識在姚園耳畔，雖無瀑布響眼前，却有九江蟠瑤林翠水未為遠。儼然坐我匡廬根。

豐樂軒詩選 卷十一
九
釣月臺

東有釣月臺西有釣雪灘昨夜不釣月今朝雪漫漫
釣月復釣雪不知羊裘寒曾聞嚴子陵漢鼎扶一竿
我欲來釣此雪月堪老死也不釣富春也不釣棘津
借問賢主人許我垂空綸晦夜有月夏有雪乾坤一
釣真奇絕

食翠亭

明霞可食柏可食霜皮龍鱗翠如滴仙人日出飲沉
瀝甘苦如糝壽千億

可飲臺

客願年年來登君可飲臺御酒不肯醉辜負春風杯
白日落樹頭涼風生水隈荷花笑人醒鷗鳥為之猜
古人有名言如何不飲令心哀最愛君家楹上語偶
思小飲報花開君不聞玉山自倒非人推

豐對樓詩選卷第十二

豐對樓詩選目錄卷第十三

五言律詩

廣陵陳大科手校共得一千二百二十九首標為十卷入梓

孝陵

靈谷寺二首

石頭城散步

過淮陰

湯口望黃山

白雲溪上

吳汝復天都別業

留別社中諸友二首

寄居蕭寺

寄家書

送張丞纁赴睦下邑

江上即事

何處

居鄉

哭胡司馬二首

江浦道上懷金陵

得兒子當戶書

答箕仲見寄二首

山行

偶題

春日言志二首次張大司馬

寄張大

越中

晚泊呂城

泊下雉瀆分烏字

虎丘

望亭聽雪

與箕仲坐兩

報功祠觀画

穀日雨

六至武夷

再哭盧九二首

明月榭待月有懷

明月榭遲廿八孝廉

十六夜明月榭小集得城字

明月榭

偶題

甘露寺

書傍溪卷

十四夜月榭獨坐

傳御史成定海春日寄贈二首

與金有耻呂心文沅湖

宿法相寺

送君房北上得波字

過樊江

和林登卿失鸚武三首

郵侯朱公臨况二首

閒居

淒風

遣興

謝酒

大司馬張公東沙先生輓詞六首

老夫

去家

紀事二首

夜歸

自哂

抗首

讀七月廿六日

上御門畢召閣臣在暖閣論

邊事事狀一首

撥悶二首

訪一初九疇一中諸從子城南讀書處

訪王德思

自哂

除夕旅懷

和孫觀察候濤山觀兵

元日閩中

與錢五郭二登海口城浮屠

除夕從子箕仲自燕回有作

宿李用晦岫嶠山房

登桐君祠

祥符寺得吳大汝復書將赴曹溪

宿西峯寺

寄方三十國華

答曹五子念

雨罷

泊車廐驛

與張三鳴教野宿懷朱大邦憲

出門

旅夜雨

耦耕

問月

宿石門

題書後即事

送史端厚丞新會

鉛山之崇安道中即事

從大將軍戚元敬行邊由梅花所之鎮東衛夜

宿焦山城中即事

渡峽江

包十碧岑樓分韻

人日過藍渡

張二吉父袁九齡秀才携酒至吳山館

楚客

田家少憇命酌

悟得

大行皇帝輓章四首

淮陰道中

哭朱邦憲十首

入杖錫山

梵池

梵林

鴛央湖夜泊

聞家報次日立秋

赴校朱邦憲遺草諸友人賦詩為贈答之

渡曹娥江

野泊

登見滄亭分山字

董母墓下作

十五夜虛白觀者月同君房

岳林寺

金山寺

瓊花觀

朱季則席間同杜袁朗輩分韻得搏字

豐對樓詩選卷第十三

甬句東沈明臣嘉則父著

從子沈九疇箕仲氏選

五言律詩

孝陵

天地開陵寢山河奠古今乃茲埋白玉何事厭黃金
靈氣衣冠道長風虎豹林帝城秋色裏歸騎晚駸駸

靈谷寺二首

詔開金粟界客問寶公堂古殿秋雲白深松夕照涼
馬餘荒埒草鹿過廢園墻最是鐘山色朝朝在竹房

騎馬入禪林蒼蒼晝影沉鐘聞五里外塔借半峰陰
斷壁丹青落空山松檜深問僧知往事披豁一吟長

石頭城散步

少甜寒江上因尋江上園青山秋後郭黃葉水邊村
日落盧龍觀天長儀鳳門登臨意不盡去住總難論

過淮陰

客問淮陰道人過跨下橋春風吹野樹落日照寒潮
楚漢山河改君臣恩怨銷唯應祠漂母千載莫蘭椒

湯口望黃山

已知仙路遠突兀在青天秀壁三千丈奇峰五色蓮

東南窺海嶽吳楚散風烟今日相尋處鴻濛空可憐

白雲溪上

仙源何窈窕五色石溪清滿壑皆雲氣空山唯水聲
懸崖無鳥過古路少人行高枕潺湲上長懷非世情

吳汝復天都別業

不是桃源路天都何處村水聲常到耳山色不離門
桑柘秋連谷牛羊夕滿原吾將同汝老抱甕此荒園

留別社中諸友二首

有客尋常別無官四十強風塵散裘馬海嶽問行藏
豈不念親故緬焉慙異鄉邊烽與愁緒况乃正蒼蒼

明時容落魄達士任踈狂一命不挂籍百年何所忙
山川知姓字天地借文章惟有故人淚寄書猶幾行

寄居蕭寺

壯士頭將白悲歌轉自憐浮生多有累世事本難全
黃葉秋風寺清砧九月天客懷愁正劇無柰酒尊前
寄家書

妻子今何似衣痕只舊啼悲歡馮惡夢寐眠食藉封題
殘臘知安穩新春畏鼓鼙窮途幸存舌天地任東西
送張丞纁赴睦下邑

君向嚴陵去雲移画舫低驛程踈雨外山縣大江西

訟簡知花落官閒聽鳥啼却忘身是吏隨意坐清溪

江上即事

江過嚴陵盡灘高不受潮鳥盤空鏡杳帆走翠屏遙
黃帽爲漁父青山問野樵飄零真薄劣不敢廢清朝
何處

何處放船好水深雲欲低流澌草上落日布帆西
雨脚只在樹鷗飛不過溪買魚炊白飯醉聽嶺猿啼

居鄉

四十髮已變壯心空出群居鄉媿王烈爲士忝劉蕡
綠樹唯高枕青天只看雲出門逢遠客不遣姓名聞

哭胡司馬二首

平生雙涕淚不易洒衣裳此地竟何土嗟余來斷腸
高天行日月深谷隱冰霜一哭寒山裂淒風忽滿堂
衣冠靈氣在風動素幃塵事去千秋淚時危百戰身
有天迴白日無地堊孤臣凍草猶含雨青憐滿谷春

江浦道上懷金陵

騎馬秋山道金陵落眼中牛頭見天闕虎耳挂仙宮
夢落秦淮月愁深桃葉風行人不下淚那得樹先紅

得兒子當戶書

忽報家書至蒼茫不敢開封題多漫滅歲月使驚猜

讀罷人千里愁空酒數杯明朝吾更遠何處寄還來

答箕仲見寄二首

詩來三過讀涕淚不能遲骨肉君何假江湖我自私
青天揮綠酒白髮倚瓊枝豈不懷微尚或有知
天地憑孤劍風塵寄兩眉閉門非曠士玩世乃吾師
稍稍寒江避深深野樹宜仲容能用拙何以給菲茨

山行

九月猶殘暑山行怯路長日斜微送雨雲濕不生涼
烟際樹深黑虹邊天半黃客衣沾白苧暮色豈高唐

偶題

何事西王母東來謁聖君
仙燈懸鳳髓天馬照龍文
甜雪嶠州貢雕鐘拂澤聞
一時行樂處千古恨浮雲

春日言志二首次張大司馬

未諳天馬路先共海鷗盟
采藥當春暖滋蘭挹水清
池魚如掌大徑草與人平
自笑無竒問窺園媿董生
慚予多負俗愛着切雲冠
孤鳳桐絲語雙龍玉劍蟠
南山棲隱鳥北海下長竿
投贈美人珮言思日采蘭

寄張大

結襪張公子論交海內稀
萬山霜葉盡一夜雪花飛
用拙人多晒干時我獨違
問君何所事射獵短衣歸

越中

樂遊何處好最愛越中山
人坐午溪寂鳥眠秋水閒
雲橫獨樹上雨在數峰間
欲作蘇門嘯蒼茫不可攀

晚泊呂城

未暮先投戍孤帆住呂城
天空高樹出市小大橋橫
隋帝江深鑿吳蒙鎮重營
斜陽與流水感慨一時生
泊下雉瀆分烏字

野泊當婁水蒼茫接太湖
吳王曾射雉越客但聞烏
此夜唯明月千年空霸圖
誰將一卮酒相與酌江蕪

虎丘

曹聖相詩選 卷十三 五
霸氣銷吳苑叢林起晉時平丘宮殿鎖陡礮石梁垂
虎幻金銀氣妖為粉黛姿山靈不夜語千古秘難知

望亭聽雪

薄暮孤帆住春波點雪輕深溪風動竹寒月夜無更
枕畔依秋葉燈前隔水聲細聽唯冥坐愁斷遠鐘鳴
與箕仲坐雨

相看吾與汝愁劇雨隨風旅食逾三月行囊四海空
窓寒鳴墜葉燈落罷踈鍾解帶翻忘寢迢迢清夜中
報功祠觀画

海外扶桑島波揚萬里風東南皆戰地吳越此新宮

白日干戈裏青山涕淚中請看圖画上不數貳師功

穀日雨

穀日雨何如蕭蕭奈索居枕前驚客夢隣里借農書
徼外山川盡殊方戰鬪餘不堪逢歲惡泣輟感枯魚
六至武夷

九曲六携舟青山且卧遊嶂霞高可拾水月近誰收
幽意吾真得神仙不易求徒憐函有蛻毛竹使人愁

再哭盧九二首

老客死荒村平生不出門新秋將訃至大火正如燔
古路迷新鬼高天嘯斷猿青山千萬壑何處認歸魂

君也胡為死吾心黯自摧非無家可問亦有子誰哀
處士墳三尺鄣山土一堆均之天地裏何必載輿回

明月榭待月有懷

獨登明月榭明月夜如何薄有微微影誰同故故多
繁星將滿地高樹欲侵河便想凌江漢臨風發浩歌
明月榭遲廿八孝廉

高榭幾明月登臨憶謝玄如何長夏過尚客富春前
孤髮風塵色雙眸天地懸獨憐貧賤在每與汝潛然
十六夜明月榭小集得城字

高臺臨水曠滿月近人明瓊樹連三島芙蓉接五城

醉堪藏老拙醒怪有時名何事詹詹者空然勞此生

明月榭

為月開新榭閒凭十二秋滿將臨寶鏡弦欲控吳鈞
夜永堪長嘯天青可浣愁紫簫三弄罷不讓鳳皇樓

偶題

瑤輅東巡幸春宵秘樂多澄膏流琬琰璠燭列冰荷
竒種憑空出名駒絕地過萬年如一瞬其柰鼎湖何

甘露寺

甘露千年寺江山第一州鐵城雄鎮立龍磴大江浮
南北分天地樓臺傍女牛鐘聲下界得僧夢白雲秋

書傍溪卷

曠馬違物性踈豁任人情家與清溪近心隨白鳥生
夜泉山自蒼秋樹月同行幽意不可道相親唯水聲
十四夜月榭獨坐

玉輪猶未滿海色夜蒼蒼萬里常悲客今宵乃故鄉
綠尊憐病減白髮傲秋長無奈高天月懷人有斷腸

傅御史戍定海春日寄贈二首

遠戍海雲東扶桑近挂弓劔花吹蜃氣人語觸龍宮
月出微茫際天青浩蕩中莫言驄馬步不及古工人

戍草綠沉沉花明白日深逐臣滄海淚聖主昊天心

采藥尋仙島鳴絃坐竹林荷戈甘逐虜澤畔敢微吟

與金有耻呂心文汎湖

重問湖中路相携得故人流鶯過仲夏高柳似長春
三竺婦雙槳孤山絕四隣登臨落日外惟覺白鷗親
宿法相寺

空林一再至不記姓名留雨濕微鐘夜天青高樹秋
雲衣深絕壑竹色滿空樓手自拈香後冷然清磬流
送君房北上得波字

曾不恨蹉跎乾坤幾渡河秋連帆影濶春入馬蹄多
前路猶青草斜陽在綠波送君從此去莫問我如何

過樊江

處處足清波樊江一棹過浦帆秋色遠村樹晚烟多
水飯資菱芡山衣雜芰荷度來風裏曲半是榜人謠

和林登御失鸚武三首

何事謝雕籠青天去影空路疑山月白林妬海雲紅
戀主心應在投人語未工隴西千萬里詫汝不禁風

縱脫簾櫳跡終非燕雀群醉迷芳草色夢想画梁雲
島樹遙難度山烟暗不分或憐兄弟火未及主聞人

靜檻空斜日閒廊只雨聲花間曾過否雲際孰相迎
讀罷狂生賦虛留使者名主恩真不薄去矣復牽情

郵侯朱公臨况二首

忽聽鳴騶過言尋卧病人呼兒開白版倩客正烏巾

片語千秋上雙鳧百里春當門一束薤請為使君陳

前村停皂盖近水即茅堂雲片來空濶風花去渺茫
籜冠仍挂壁松枕不離牀寄謝青雲客無能浣房藥

閒居

迂誕吾誠有生平只自如避仇真簡出稱病好閒居
烈日眠水簟涼風趁野蕩竹竿青箇箇來映枕前書

淒風

淒風何地起林末向人踈過宋當微服之秦走下車

水工朝射客江使夜遭漁物理浮雲外沉冥實啓予

遣興

病幾隣有死貧未到無家長日天難送深江景自賒
妻猶能舉案孫已解塗鴉坐此足終歲幽栖何怨嗟

謝酒

莫問此何時多年謝酒卮隱憂誰可語病骨老難支
白石聞曾飯青山與課詩還丹無九轉短髮任絲絲

大司馬張公東沙先生輓詞六首

八座樞南極三公逼上台位高時蚤奪才大毀頻來
畫未生平盡名憐死後回一時歸大雅蕭統有遺臺

赤幟騷壇建東南落大星斯文今已矣白日故冥冥

髮想懸車黑山悲賭墅青龍門驚忽壞舊客散

如萍

兀自濕衣裾無言恨有餘百年終化土何物定名予

上殿尚書履藏山太史書至今司馬法一一在

諸胥

膺仕三槐近還山二紀餘勲名刊竹帛杖履及樵漁

有客常携酒無時不著書眼看游釣處淚欲盡

墟郊

一過流波館西州恨若何空然雲片濶其柰葉聲多

隣笛湖風響漁謳薤露歌定知千載後名跡在

河山

忍讀張公傳那堪字字悲山川皆涕淚勲業自風雷

大地東南裂高天日夜垂傷心與流水漠漠竟

之何

老夫

春雨連三月陰雲亘九霄此生真鹵莽萬事揔蕭條
憂國唯黃髮回天賴聖朝老夫貪一壑倘可托漁樵
去家

鳴雨青林歇狂風白浪寒山川行處好客子去家難
敢薄江田稅寧忘竹籜冠明知白髮滿朝鏡與誰看

紀事二首

浩蕩天王澤無知赤子悲削平勞將帥慟哭豈潢池
嗚咽錢唐水倉皇大海陲尚愁流血地誰為洗瘡
數年開府地未有閱兵時霸上真兒戲行間任汝為

脫巾求一飽空手奪前麾國是須三尺書生不敢知

夜歸

故園風物好似待遠人歸白屋聞鄉語青山識敝衣
水深星影大野曠月痕微昨日憐群鴈江天與共飛

自哂

江寺倚高秋江城客自留病煩醫國手功與藥王侔
檄走邊烽急時聞聖主憂野人恒自哂真欲借前籌

抗首

抗首望西秦朝廷急用人玉關踈控扼紫塞滿荆榛
痛昔籌邊賦嘉靖間嚴相當國事日非邊事日弛
錦衣衛經歷沈煉有籌邊賦語甚核而

畫甚精用是為嚴相所殺後益不脩而致王崇古高相市馬之議謂虜欵塞有順義王之封乃今則敗盟而順義王火落赤大來犯順事蓋不知所終云憐君侍從臣誰為謝安石談

笑淨胡塵

讀七月廿六日

上御門畢召閣臣在暖閣論

邊事事狀一首

開閣延師保天顏炯日明九重憂國事萬里鏡邊情
挾纈冰霜暖回天霹靂輕遙憐大臣對莫負股肱名

撥悶二首

山曠饒清野家貧剩白雲為農堪自老幽事許人分
水漲鷗馴至花深蝶盡聞只緣連歲歉不免夜猶紛

幽齋深睡足起坐看蟲飛性懶多閒豫耳聾無是非

老成凋落蚤門巷往來稀柰此兼旬雨苔青白版扉

訪一初九疇一中諸從子城南讀書處

春水漫平江孤舟正夕陽因尋讀書處數問釣魚郎
近郭吞青野踈林散白楊相逢一無事先遣具壺觴

訪王德思

願識王生巷不妨原憲貧青山安夢寐良月照風神
屋後秦淮水門前車馬塵垂簾讀書處日暮放門人

自哂

綠去門前水青來天外峯不知頭上髮早晚白何從

豐堊樓詩選 卷十三
十一
憂國身無位違時衆莫容中宵唯自哂歎枕聽山鐘
除夕旅懷

人生幾除夜常作異鄉人世事復明日流年空舊春
妻孥燈下影風雪海邊身歲歲皐魚淚今宵獨滿巾
和孫觀察候濤山觀兵

截海結連營長空殺氣橫青山雲鳥陣白日鼓鼙聲
力戰三軍死殊勲大將成共傳新號令不比棘門輕

元日閩中

歲時憐絕徼客髮感春風海日蠻陰裏江流樹色中
水深歐冶澤雨過越王城細草東歸路愁心與斷蓬

與錢五郭二登海口城浮屠

浮屠標海嶠孤影落雙城萬里波臣國三千浪子兵
野花空廢苑邊樹但流鶯春日同知己將何慰遠情
除夕從子箕仲自燕回有作

歲自今宵盡人從萬里歸淒涼存舊業烏邑對春暉
雨似添殘淚風將浣故衣相看吾與汝悲喜數年違
宿李用晦岫嶠山房

偶與二三子山中覓故侯白雲僧借榻黃葉客登樓
月出境逾靜溪深水自流翻憐鍾磬發破此一林幽

登桐君祠

江上孤峯立桐君此結廬三汊流水在一樹老松餘
何代因名邑頻年想卜居乾坤日多事欲去一躊躇
祥符寺得吳大汝復書將赴曹溪

萬山孤寺出信宿白雲居流水牀頭至霜鍾石上踈
列仙高士傳招隱故人書明日同僧去前村買竹輿
宿西峯寺

十月西峯寺青林葉半黃踈風千樹響落日萬山蒼
自愛空庭坐無嫌白髮狂竹深迷處所鐘磬入雲長
寄方三十國華

栖栖布衣者誰拂帝京塵獻賦干明主微言諷大臣
雖云不得意已作有名人何不攜妻子歸畊海上春
答曹五子念

以我江湖裏逢君天地間具區開氣色溟渤壯心顏
握手秋風至持杯落日閒平生青白眼一醉共雲山
雨罷

睡起雨初罷出門天復陰亂雲垂樹濕流水到花深
帆過高於屋鷗飛只在林天邊漁艇子日日可幽尋
泊車廐驛

候潮當近浦勝景足躋攀車廐猶秦額句章正禹寰
澄江流白日古驛帶青山邂逅同沽酒移時未肯還

與張三鳴教野宿懷朱大邦憲

孤舟投遠樹天暝下帆遲
大野風烟霽荒江星斗垂
時危踈客計歲晚急歸期
漫與張平子挑燈憶故知
出門

兵革聞初定空囊已出門
汀花留晚色岸草過潮痕
綠野晴雲吐滄江落日吞
黯然傷別處知有病休文

旅夜雨

旅館易為愁沉沉雨不收
一燈千里夜雙鬢五湖秋
遠道無長策流光只削緱
空存報主意白日老驂騮
耦耕

耦畊東海上擊壤是何年老牧
燒畬土明農出大田
山春肥蕨雨風午落花天
四海津誰問翻憐沮溺賢

問月

問月向青天嫦娥眠未眠
斧綠何用缺鏡以照誰
圓兔藥無方乞蟾宮有路前
桂花知幾種也有暮開年

宿石門

雪後寒仍雨孤帆宿石門
岸迴江欲斷雲暗水先昏
夜鼓傳官舫晨鷄候曉村
畏途驚獨夢歌枕念鄉園
題書後即事

風日晴初好客懷方稍幽
鄉書傳過雁古道出犇牛

凍色踈茆晚高壤苦竹秋小舸當獨坐脉脉理閒愁

送史端厚丞新會

送子丞新會行看墨綬新路經三楚盡地與百蠻隣
葉暗枕椰暮潮腥瑋琚春貪泉知不遠不飲任清貧
鉛山之崇安道中即事

懶性耽幽事山行愛夕曛
褰帷嵐翠入去馬嶂烟分
遠路穿紅葉前溪漲白雲
微吟過墟市流水斷還聞
從大將軍戚元敬行邊由梅花所之鎮東衛夜

宿焦山城即事

將軍行部日邊草正萋萋
鹵海人朝涉荒城馬夜嘶

大風吹石走高浪捲天低
號令分明甚三春無鼓鼙

渡峽江

雨後趨官渡春陰野望迷
江渾諸水聚雲雜亂山低
樹濕鶯猶困風酸馬自嘶
王孫行處草無柰故萋萋

包十碧岑樓分韻

水上樓偏好尤宜對夕陽
樽前開睥睨簷際宿帆檣
浦樹潮來沒江天鳥去長
高情遲明發鼓柁下橫塘
人日過藍渡

藍渡偶經過其如薄暮何
水空星影大山曠月明多
社鼓喧林薄篝燈起薜蘿
蕭條自人日客思滿關河

雙玉堂詩選 卷十三 十一
張二吉父表九齡秀才携酒至吳山館

桂館諸峰上蘭樽二妙來大江開夕照陰磴積秋苔
蟬響流風急蟲聲隱月哀所嗟人散後鄉夢只東回

楚客

相對且加餐休誇行路難吳山向姑孰楚水自公安
久客家何遠長途歲又殘明知無可樂為汝暫成歡

田家少憇命酌

偶向田間飲超然野趣饒荒山秋滿戶歌岸暗通潮
橘柚垂庭實鳧鷖入座驕舟行宜更緩黃葉樹中橋

悟得

悟得沉冥理束書歸舊山幅巾高柳外策杖翠微間
流水逢人住孤雲斷處還漁樵寬禮法相與聽潺湲

大行皇帝輓章四首

一時傳禹儉萬國頌堯仁負宸餘三尺垂衣僅六春
星辰迷宇宙風雨泣神人聞道長門夜悲聲徹旻九

忽報宮車晏遺弓墮小臣風雲虛鳳闕雷雨送龍輜
寒白桂宮日花銷甲帳春長安金玉賤珠翻泣賣人

感慨龍飛日淒涼鳳去年月從三殿滿春向六宮偏

聖體非金鑄臣心自石堅夕郎空有疏難補不周天

夷夏六年靖乾坤十廟開黃門寺中肅紫塞右賢來

窮髮愁天墮雕題捧日哀敢云忘帝力長慟在高

淮陰道中

揚楚極波濤邊淮四望遙青天空莽蕩白日自蕭條
蓬顆風偏急薰葭凍不消蠲租聞有詔實荷聖明朝

哭朱邦憲十首

如君先化去後死者為誰人世真何有吾曹迥自悲
文章天所忌桑海劫初移兀兀惟沉痛翻歌薤露詞

共信朱文季今誰把臂勤玉樓當再記鈞樂是三聞
水落空黃浦天高但白雲乾坤知己淚哭不到荒墳

醉眠頽似石長夜幾時醒天地春空綠山川墓草青

鄉評長者謚碑版故人銘何用論脩短彭殤共杳

何處非蕭瑟悲風與斷雲含酸疏舊德雪涕檢遺文

不應徵君辟空高處士墳平生論意氣還薄孟嘗君

宿莽人猶哭無言淚似麻賢如黃叔度俠過魯朱家

笑語追瓊樹丰標想落霞傷心對流水虛館自寒花

嗟余骨肉少弟畜灌夫賢作客悲千里為家憶廿年

舊開江上館今塋郭西田况復猿啼處兼之日暮天

巨卿元死友越客笑鷄壇怒罵知余劣能容信汝難

痛唯珠作淚忍用鐵為肝縱是幽明隔心期敢寒自

曲斷樽空綠人琴信兩忘崩松哭和嶠埋玉恨文康

隣笛寒江響山齋夜雨荒三吳凋雋望不但故傷人

宋玉雖工賦難招江上魂空多名士哭不使此人存

客散公超市誰標通德門年年當上已須獻夏樽

寂寂空山絕迢迢望素車郭門丹旒遠隧道白楊踈

頓使風流盡徒傷月色虛牙琴真欲廢日暮眇愁

入杖錫山

躡屩度青巒千盤復萬盤嶂迴藏寺小地迥見天寬
水自雲中落峰常雪裏看境于人世絕六月陡曾寒

梵池

空池凌浩劫千頃濯瑤臺水濶魚龍暇天青日月開

分流支遁飲照影惠休來白足蓮花座無心可浣埃

梵林

清宵飛梵語雙樹即祇林響出涼風磬禪空明月心
鳥窺香積淨猿卧苾芻深問法吾將老山雲白可尋

鴛央湖夜泊

水宿鴛央夜城當樵李寒枕前風滿樹燈外雨平灘
白幘將何用青山倘自寬生涯誰料理明發待帆乾

聞家報次日立秋

稍喜平安報山妻病後來蒼茫收涕淚奔走失疑猜
大野蒸殘暑荒江破疾雷秋風又明日人與雁俱回

赴校朱邦憲遺草諸友人賦詩為贈答之

千里赴心期諸君指路岐亦疑迷五色空爾詫三奇
宿草乾坤淚秋山姓字知白雲應不死吾自託吾私

渡曹娥江

隔水曹娥廟經過幾歲華潮來鯉浦近江抱鳳山斜
落日臨官渡迴波動遠沙所嗟玄髮改猶自向天涯

野泊

野泊投村店人烟聚一沙月槎江作練霜落樹生花
近海吳天盡穿溪泖路斜流年與流水應自笑無家
登見滄亭分山字

廢亭高瞰海此日共躋攀石長千年樹江浮兩岸山
御題蒼蘚裏僧路白雲間偶見落花處暮潮寒自還
董母墓下作

天地留深恨荒墳伏湛盧便房開巨壑華表仆青蕪
一日名猶在千年骨已無唯應憐孝子行客奠生芻
十五夜虛白觀看月同君房

紺殿當山迥瑤臺控海長月看今夜好秋較去年涼
桂樹藏螢暗芙蓉抱露香因知頭白者宜自戀清光

岳林寺

古寺邊沙磧空林夕照西鴉爭烏柏集僧借白雲棲

寒梵晴飄雨微鍾夜度溪投閒偶相過秋草逼天齊

金山寺

地坼金鰲背潮吞鐵甕城海天真浩蕩江月自分明
僧呪龜鼉食鍾迴波浪聲遙知日光濕晚向佛頭晴

瓊花觀

今古瓊花觀淒涼后土祠春風無草色日暮有荒茨
何必悲前代最應憐此時門前雙杏樹或是六朝枝

朱季則席間同杜袁朗輩分韻得搏字

清夜正漫漫相逢得酒懽星繁江郭動霜重寺鐘寒
詭浪情多洽憑凌氣欲搏座當紅一點莫計百杯寬



